

潛

鑒

論(三)

夫

附札記





鑒

申

附 札 記

荀 悅 著

BW T386/0402

編主五雲王

編初成集書叢

種一他其及論夫潛
冊三

中華民國二十六年十二月初版

密

發行人

王長沙南正街
雲五

印刷所

商務印書館
長沙南正街

發行所

商務印書館
各埠

本館叢書集成初編所選子彙及兩京遺編漢魏叢書小萬卷樓叢書皆收有此書子彙名小荀子無注兩京漢魏兩本同爲黃省曾注小萬本錢氏謂其無甚發明概從刪汰所見爲漢魏本正文譌脫錢氏著有札記頗多訂正故據以排印並附子彙本尤李二序於後

申鑒題辭

荀悅書五卷。觀其言。蓋有志於經世者。其自著漢紀。嘗載其略。而范曄東漢書亦摘其篇首數百言。見之悅傳。今漢紀會稽郡已版行。而此書則世罕見全本。余家有之。因刻真江西漕臺。但簡編脫繆。字畫差舛者不一。不敢以意增損。疑則闕之。以俟知者。淳熙九年冬十月己亥。錫山尤袤。

余嘗過許昌之墟。尋訪父老。問荀氏故居高陽里所在。許父老弗知也。乃出城北之五里。則見八龍冢。歸然岡左。餘冢數十。纍纍然參差環繞之。蓋皆荀氏之族也。於是駐馬遲徊。歎歎久之。弗忍去。蓋傷荀氏多賢而逢時不造云。按申鑒作於荀悅氏。悅儉之子。淑之孫也。年十二。能說春秋。家甚貧。無貲易牘。每借牘覽視。輒一一誦記。所負者綽乎足用世矣。惜生值靈帝時。才志識猷。沮而弗行。乃退焉。託疾著書。以自表見。時人莫之識也。所著有漢紀三十篇。申鑒五篇。崇德正論及諸論數十篇。皆可傳。而申鑒久無刻版。余守沔陽。乃刻之郡齋。蓋悲其人之不遇。而幸其言猶存也。嗟乎。世之賢人志士。抱經世之遠略。格於時而弗能用者。豈獨一荀仲豫哉。

正德十三年戊寅三月既望。大梁李濂。

誤福

時事第二三皇之民至敦也。原脫之字。治要。去。同本務。治要。同。必若士田之張於野也。土原。今正。誤。

今國家忘戰日久。今原。今正。誤。或問復讎古義也。盧氏云。復讎。字。公祿貶則私利生。黃注。云。此當。下。句。本。生。字。互。

學士改。京畿虛矣。一作。句。云。畿。收。遠。輸。之。京。師。收。學。士。改。依。婦。德。婦。言。婦。功。黃。注。云。此。當。下。字。而。皆。自。謂。

古今仲尼邈而靡質。昔先師歿而無聞。黃注。云。本。於。今。字。絕。句。注。云。此。處。有。誤。案。疑。古。字。下。字。而。皆。自。謂。

如而博之以求約也。何也。下。當。有。禮。字。下。曰。權。曰。宜。弗。之。絕。也。下。盧。學。士。云。權。王。姬。歸。齊。宗。周。之。

禮以陰乘陽。遠天以婦凌夫。遠人。治要。下。並。有。也。天。下。左。史。記。言。右。史。記。動。作。右。史。記。事。左。史。記。言。動。為。春。

秋事治要。同。臧否成敗。臧。否。本。傳。苟。有。茂。異。傳。原。合。北。等。堂。書。鈔。五。十。五。引。改。與。本。作。右。史。記。動。作。右。史。記。事。左。史。記。言。動。為。春。

以副賞罰。與。書。鈔。御。覽。引。合。改。宜。於。今。者。官。以。其。方。各。書。其。事。歲。盡。則。集。之。於。尚。書。原。本。亦。今。誤。令。方。譌。日。

脫據治要。補。各備史官使掌其典事。於。今。者。備。置。史。官。掌。其。典。文。紀。其。行。事。每。於。歲。舉。之。尚。書。以。助。

俗嫌第三。或問日時羣忌。日原。譌。曰。依。曰。否。曰。元。辰。先。王。所。用。也。元。日。有。誤。拾。補。改。作。曰。否。或。曰。祈。請。

者誠以接神自然應也。故。精。以。底。之。犧。牲。玉。帛。以。昭。祈。請。吉。朔。以。通。之。何。以。格。曰。一。書。鈔。九。十。引。或。問。神。

精神以底之犧牲。玉。帛。以。昭。祈。請。吉。朔。以。通。之。何。以。格。曰。一。書。鈔。九。十。引。或。問。神。

較明。但類書引。玉帛以昭祈請。吉。朔。以。通。之。何。以。格。曰。一。書。鈔。九。十。引。或。問。神。

敵。疑穀字。恐非。敵。引。古。容。有。刪。節。姑。仍。原。本。未。敢。輒。改。則。惟。能。用。道。惟。能。用。道。並。當。作。性。敵。犬。羊。之。肉。

雜言上第四。學而知之者衆矣。衆。原。譌。真。依。鑒。乎。前。鑒。乎。人。鑒。乎。鏡。前。惟。訓。誤。至。不。可。讀。今。據。治。要。補。

引改與御覽七百十七不鑒於羣下也。羣原作民。治。故君子惟鑒之務。有焉。治。要。不任所愛謂之公。惟

義是從謂之明。作。公。本。所。治。不。義。夫。能。成。功。業。夫。原。治。未。然。外。則。管。仲。射。已。內。則。衛。姬。色。衰。原。治。要。改。原。治。要。則。恐。可

今依上句例補。膏。旨。純。白。今。依。節。本。連。上。鍼。之。不。逮。達。原。治。要。改。其。信。矣。乎。原。治。要。補。則。恐。可

以爲堯舜矣。皆。治。要。無。服。堯。之。制。行。堯。之。道。堯。下。疑。並。脫。在。上。而。國。家。不。治。難。也。治。國。家。則。必。勤。身。苦

思矯情以從道。難。也。並。有。是。字。忠。臣。致。之。致。原。治。要。改。以。非。引。上。作。先。謂。之。防。發。而。止。之。謂。之。救。行。而。責

之謂之戒。止。之。治。要。作。進。諫。防。下。救。光。武。能。申。於。葬。申。下。似。或。問。難。行。曰。字。今。刪。原。衍。或。問。天。子。守

在四夷至。襲。於。膝。下。以。上。百。七。十。一。字。原。患。之。甚。矣。八。域。重。譯。而。獻。珍。甚。矣。原。本。連。上。人。君。人。臣。之。戒。節。患。之

脫。城。謠。一。書。則。申。鑒。不。可。讀。矣。今。並。據。補。正。除。內。寇。而。重。內。寶。外。今。據。治。要。改。雲。從。于。龍。連。上。今。據

治。要。分。治。無。治。要。一。書。則。申。鑒。不。可。讀。矣。今。並。據。補。正。除。內。寇。而。重。內。寶。外。今。據。治。要。改。雲。從。于。龍。連。上。今。據

雜言下第五。而不愛其神明。原。脫。神。字。莫。不。爲。大。原。治。要。改。故。驕。則。奉。之。不。成。黃。注。云。奉。怨。以。成。禍。

怨。原。作。惡。是。上。智。懷。惡。依。黃。注。改。故。神。有。情。依。黃。注。改。神。惡。非。情。之。罪。也。神。原。作。情。承。奉。怨。以。成。禍。

矣。黃。注。云。當。有。關。文。其。上。善。也。字。此。疑。衍。其。下。者。遠。而。不。近。也。遠。而。已。矣。下。雖。可。兼。取

申鑒卷第一

政體第一

漢 荀悅著

夫道之本仁義而已矣。五典以經之。羣籍以緯之。詠之歌之。弦之舞之。前鑒既明。後復申之。故古之聖王。其於仁義也。申重而已。篤序無疆。謂之申鑒。聖漢統天。惟宗時亮其功。格宇宙。粵有虎臣亂政。時亦惟荒。圯湮茲洪軌。儀監于三代之典。王允迪厥德。功業有尙。天道在爾。惟帝茂止。陟降膚止。萬國康止。允出茲斯行遠矣。立天之道曰陰與陽。立地之道曰柔與剛。立人之道曰仁與義。陰陽以統其精氣。剛柔以品其羣形。仁義以經其事業。是爲道也。故凡政之大經。法教而已矣。教者。陽之化也。法者。陰之符也。仁也者。慈此者也。義也者。宜此者也。禮也者。履此者也。信也者。守此者也。智也者。知此者也。是故好惡以章之。喜怒以洩之。哀樂以恤之。若乃二端不愆。五德不離。六節不悖。則三才允序。五事交備。百工惟釐。庶績咸熙。天作道。皇作極。臣作輔。民作基。制度以綱之。事業以紀之。惟先喆王之政。一曰承天。二曰正身。三曰任賢。四曰恤民。五曰明制。六曰立業。承天惟允。正身惟常。任賢惟固。恤民惟勤。明制惟典。立業惟敦。是謂政體也。致治之術。先屏四患。乃崇五政。一曰僞。二曰私。三曰放。四曰奢。僞亂俗。私壞法。放越軌。奢敗制。四者不除。則政末由行矣。俗亂則道荒。雖天地不得保其性矣。法壞則世傾。雖人主不得守其度矣。軌越則禮亡。雖聖人不得全其道矣。制敗則欲肆。雖四表不能充其求矣。是謂四患。興農桑以養其生。審好惡以正其俗。

宣文教以章其化。立武備以秉其威。明賞罰以統其法。是謂五政。民不畏死。不可懼以罪。民不樂生。不可勸以善。雖使高布五教。咎繇作士。政不行焉。故在上者。先豐民財。以定其志。帝耕籍田。后桑蠶宮。國無遊民。野無荒業。財不虛用力。不妄加以周民事。是謂養生。君子之所以動天地。應神明。正萬物。而成王治者。必本乎真實而已。故在上者。審則儀道。以定好惡。善惡要於功罪。毀譽效於準驗。聽言責事。舉名察實。無或詐僞。以蕩衆心。故事無不覈。物無不切。善無不顯。惡無不彰。俗無姦怪。民無淫風。百姓上下。睹利害之存乎己也。故肅恭其心。慎脩其行。內不忒惑。外無異望。有罪惡者。無傲倖。無罪過者。不憂懼。請謁無所聽。財賂無所用。則民志平矣。是謂正俗。君子以情用。小人以刑用。榮辱者。賞罰之精華也。故禮教榮辱。以加君子。化其情也。桎梏鞭朴。以加小人。治其刑也。君子不犯辱。況於刑乎。小人不忌刑。況於辱乎。若夫中人之倫。則刑禮兼焉。教化之廢。推中人而墜於小人之域。教化之行。引中人而納於君子之塗。是謂章化。小人之情。緩則驕。驕則恣。恣則急。急則怨。怨則畔。危則謀亂。安則思欲。非威強無以懲之。故在上者。必有武備。以戒不虞。以遏寇虐。安居則寄之內政。有事則用之軍旅。是謂秉威賞罰。政之柄也。明賞必罰。審信慎令。賞以勸善。罰以懲惡。人主不妄賞。非徒愛其財也。賞妄行。則善不勸矣。不妄罰。非徒慎其刑也。罰妄行。則惡不懲矣。賞不勸。謂之止善。罰不懲。謂之縱惡。在上者。能不止下爲善。不縱下爲惡。則國治矣。是謂統法。四患既蠲。五政既立。行之以誠。守之以固。簡而不怠。疎而不失。無爲爲之。使自施之。無事事之。使自交之。不肅而成。不嚴而治。垂拱揖遜。而海內平矣。是謂爲政之方也。

惟□六則。以立道經。一曰中。二曰和。三曰正。四曰公。五曰誠。六曰通。以天道作中。以地道作和。以仁德作

正以事物作公。以身極作誠。以變數作通。是謂道實。惟恤十難。以任賢能。一曰不知。二曰不進。三曰不任。四曰不終。五曰以小怨棄大德。六曰以小過黜大功。七曰以小失掩大美。八曰以奸訐傷忠正。九曰以邪說亂正度。十曰以讒嫉廢賢能。是謂十難。十難不除。則賢臣不用。用臣不賢。則國非其國也。

惟察九風。以定國常。一曰治。二曰衰。三曰弱。四曰乖。五曰亂。六曰荒。七曰叛。八曰危。九曰亡。君臣親而有禮。百僚和而不同。讓而不爭。勤而不怨。無事惟職。是司此治國之風也。禮俗不一。位職不重。小臣讒嫉。庶人作議。此衰國之風也。君好讓。臣好逸。士好遊。民好流。此弱國之風也。君臣爭明。朝廷爭功。士大夫爭名。庶人爭利。此乖國之風也。上多欲。下多端。法不定。政多門。此亂國之風也。以侈爲博。以伉爲高。以濫爲通。遵禮謂之劬。守法謂之固。此荒國之風也。以苛爲密。以利爲公。以割下爲能。以附上爲忠。此叛國之風也。上下相疏。內外相蒙。小臣爭寵。大臣爭權。此危國之風也。上不訪。下不諫。婦言用。私政行。此亡國之風也。故上必察乎國風也。

惟慎庶獄。以昭人情。天地之大德曰生。萬物之大極曰死。死者不可以生。刑者不可以復。故先王之刑也。官師以成之。棘槐以斷之。情訊以寬之。朝市以共之。矜哀以恤之。刑斯斷。樂不舉。慎之至也。刑哉刑哉。其慎矣夫。

惟稽五赦。以綏民中。一曰原心。二曰明德。三曰勸功。四曰褒化。五曰權計。凡先王之攸赦。必是族也。非是族焉。刑茲無赦。

天子有四時。朝以聽政。晝以訪問。夕以脩令。夜以安身。上有師傅。下有讜臣。大則講業。小則諮詢。不拒直。

辭不恥下問。公私不愆。外內不二。是謂有交。

問明於治者。其統近萬物之本在身。天下之本在家。治亂之本在左右。正立而四表定矣。

問通於道者。其守約。有一言而可常行者。恕也。有一行而可常履者。正也。恕者仁之術也。正者義之要也。至哉。此謂道根。萬化存焉。爾是謂不思而得。不爲而成。執之胷心之間。而功覆天下也。

自天子達於庶人。好惡哀樂。其脩一也。豐約勞佚。各有其制。上足以備禮。下足以備樂。夫是謂大道。天下國家一體也。君爲元首。臣爲股肱。民爲手足。下有憂民。則上不盡樂。下有饑民。則上不備膳。下有寒民。則上不具服。徒跣而垂旒。非禮也。故足寒傷心。民寒傷國。

問君以至美之道道民。民以至美之物養君。君降其惠。民升其功。此無往不復。相報之義也。故太平備物。非極欲也。物損禮闕。非謙約也。其數云耳。

問人主有公賦。無私求。有公用。無私費。有公役。無私使。有公賜。無私惠。有公怒。無私怨。私求則下煩。而無度。是謂傷清。私費則官耗。而無限。是謂傷制。私使則民撓。擾而無節。是謂傷義。私惠則下虛望。而無準。是謂傷正。私怨則下疑懼。而不安。是謂傷德。

問善治民者。治其性也。或曰。冶金而流。去火則剛。激水而升。舍之則降。惡乎治。曰。不去其火。則常流。激而不止。則常升。故大冶之爐。可使無剛。踊水之機。可使無降。善立教者若茲。則終身治矣。故凡器可使與顏冉同趨。投百金於前。白刃加其身。雖巨跖弗敢掇也。善立法者若茲。則終身不掇矣。故跖可使與伯夷同功。

問民由水也。濟大川者。太上乘舟。其次泗。泗者勞而危。乘舟者逸而安。虛入水。則必溺矣。以知能治民者。泗也。以道德治民者。舟也。縱民之情。謂之亂。絕民之情。謂之荒。曰。然則如之何。曰。爲之限。使勿越也。爲之地。亦勿越。故水可使不濫。不可使無流。善禁者。先禁其身。而後人。不善禁者。先禁人。而後身。善禁之。至於不禁。令亦如之。若乃肆情於身。而繩欲於衆。行詐於官。而矜實於民。求己之所有餘。奪下之所不足。捨己之所易。責人之所難。怨之本也。謂理之源。斯絕矣。自上御下。猶夫釣者焉。隱於手。應於鈞。則可以得魚。自近御遠。猶夫御馬焉。和於手。而調於銜。則可以使馬。故至道之要。不於身。非道也。睹孺子之驅雞也。而見御民之方。孺子驅雞者。急則驚。緩則滯。方其北也。遽要之。則折而過南方。其南也。遽要之。則折而過北。迫則飛。疎則放。志閑則比之。流緩而不安。則食之。不驅之。驅之至者也。志安則循路而入門。太上不空市。其次不偷竊。其次不掠奪。上以功惠綏民。下以財力奉上。是以上下相與。空市則民不與。民不與。則爲巧詐而取之。謂之偷竊。偷竊則民備之。備之而不得。則暴迫而取之。謂之掠奪。民必交爭。則禍亂矣。

或曰。聖王以天下爲樂乎。曰否。聖王以天下爲憂。天下以聖王爲樂。凡主以天下爲樂。天下以凡主爲憂。聖王屈己以申天下之樂。凡主申己以屈天下之憂。申天下之樂。故樂亦報之。屈天下之憂。故憂亦及之。天之道也。

治世所貴乎位者三。一曰達道於天下。二曰達惠於民。三曰達德於身。衰世所貴乎位者三。一曰以貴高人。二曰以富奉身。三曰以報肆心。治世之位。眞位也。衰世之位。則生災矣。苟高人。則必損之災也。苟奉身。

則必遺之災也。苟肆心則必召之災也。

治世之臣所貴乎順者三。一曰心順。二曰職順。三曰道順。衰世之臣所貴乎順者三。一曰體順。二曰辭順。三曰事順。治世之順真順也。衰世之順生逆也。體苟順則逆節。辭苟順則逆忠。事苟順則逆道。高下失序則位輕。班級不固則位輕。祿薄卑寵則位輕。官職屢改則位輕。遷轉煩瀆則位輕。黜陟不明則位輕。待臣不以禮則位輕。夫位輕而政重者未之有也。聖人之大寶曰位。輕則喪吾寶也。

好惡之不行其俗尙矣。嘉守節而輕狹陋。疾威福而尊權右。賤求欲而崇克濟。貴求己而榮華譽。萬物類是已。夫心與言言與事參相應也。好惡毀譽賞罰參相福也。六者有失則實亂矣。守實者益榮。求己者益達。處幽者益明。然後民知本也。

申鑒卷第二

時事第二

最凡有二十一首。其初二首。尙知貴敦也。其二首有申重可舉者。十有九事。一曰明考試。二曰公卿不拘爲郡。二千石不拘爲縣。三曰置上武之官。四曰議州牧。五曰生刑而死者。但加肉刑。六曰德刑並用。七曰避讎有科。八曰議祿。九曰議專地。十曰議錢貨。十一曰約祀舉重。十二曰天人之應。十三曰月正聽朝。十四曰崇內教。十五曰備博士。十六曰至德要道。十七曰禁數赦令。十八曰正尙主之制。十九曰復外內注記者。

盤庚遷殷。革奢卽約。化而裁之。與時消息。衆寡盈虛。不常厥道。尙知貴敦。古今之法也。民寡則用易足。上廣則物易生。事簡則業易定。厭亂則思治。創難則思靜。

或曰。三皇之民至敦也。其治至清也。天性乎。曰。皇民敦。秦民弊。時也。山民樸。市民玩。處也。桀紂不易民而亂。湯武不易民而治。政也。皇民寡。寡斯敦。皇治純。純斯清矣。惟性不求無益之物。不蓄難得之貨。節華麗之飾。退利進之路。則民俗清矣。簡小忌。去淫祀。絕奇怪。則妖僞息矣。致精誠。求諸己。立大事。則神明應矣。放邪說。去淫智。抑百家。崇聖典。則道義定矣。去浮華。舉功實。絕未伎。同本務。則事業脩矣。

誰毀誰譽。譽其有試者。萬事之概量也。以茲舉者。試其事。處斯職者。考其績。賞罰夫實。以惡反之人焉飾哉。語曰。盜跖不能盜田尺寸。寸不可盜。況尺乎。夫事驗必若土田之張於野也。則爲私者寡矣。若亂之墜

於澳也。則可信者解矣。故有事考功。有言考用。動則考行。靜則考守。

公卿不爲郡二千石不爲縣。未是也。小能其職以極登於大。故下位競大。撓其任以墜於下。故上位慎其鼎覆刑焉。何憚於降。若夫千里之任。不能充於郡。而縣邑之功廢。惜矣哉。不以過職細則勿降。所以優賢也。以過職細則降。所以懲愆也。

孝武皇帝以四夷未賓。寇賊姦宄。初置武功賞官。以寵戰士。若今依此科而崇其制。置尙武之官。以司馬兵法選位。秩比博士。講司馬之典。簡蒐狩之事。掌軍功爵賞。小統於五校。大統於太尉。旣周時務。禮亦宜之。周之末葉。兵革繁矣。莫亂於秦。民不荒殄。今國家忘戰日久。每寇難之作。民瘁幾盡。不教民戰。是謂棄之信矣。

或問曰。州牧、刺史、監察御史。三制孰優。曰。時制而已。曰。天下不旣定其牧乎。曰。古諸侯建家國。世位權柄存焉。於是置諸侯之賢者。以牧總其紀綱而已。不統其政。不御其民。今郡縣無常。權輕不固。而州牧秉其權。重勢異於古。非所以強幹弱枝也。而無益治民之實。監察御史斯可也。若權時之宜。則異論也。

肉刑古也。或曰。復之乎。曰。古者人民盛焉。今也至寡。整衆以威。撫寡以寬。道也。復刑非務。必也生刑而極死者。復之可也。自古肉刑之除也。軒右趾者死也。惟復肉刑。是謂生死而息民。

問德刑並用。常典也。或先或後。時宜刑。教不行。勢極也。教初必簡。刑始必略。事漸也。教化之隆。莫不興行。然後責備。刑法之定。莫不避罪。然後求密。未可以備。謂之虛教。未可以密。謂之峻刑。虛教傷化。峻刑害民。君子弗由也。設必違之教。不量民力之未能。是招民於惡也。故謂之傷化。設必犯之法。不度民情之不堪。

是陷民於罪也。故謂之害民。莫不興行。則一毫之善。可得而勸也。然後教備。莫不避罪。則纖介之惡。可得而禁也。然後刑密。

或問復讎。古義也。曰。縱復讎可乎。曰。不可。曰。然則如之何。曰。有縱有禁。有生有殺。制之以義。斷之以法。是謂義法。並立。曰。何謂也。曰。依古復讎之科。使父讎避諸異州千里。兄弟之讎。避諸異郡五百里。從父從兄弟之讎。避諸異縣百里。弗避而報者。無罪。避而報之。殺犯王禁者。罪也。復讎者。義也。以義報罪。從王制。順也。犯制逆也。以逆順生殺之。凡以公命行止者。不爲弗避。

或問祿。曰。古之祿也。備漢之祿也。輕。夫祿必稱位。一物不稱。非制也。公祿貶則私利生。私利生則廉者匱。而貪者豐也。夫豐貪。生私。匱廉。貶公。是亂也。先王重之。曰。祿可增乎。曰。民家財。愆增之宜矣。或曰。今祿如何。曰。時匱也。祿依食。食依民。參相澹。必也正貪祿。省閑冗。與時消息。昭惠恤下。損益以度可也。諸侯不專封。富人名田踰限。富過公侯。是自封也。大夫不專地。人賣買由己。是專地也。或曰。復井田與。曰。否。專地非古也。井田非今也。然則如之何。曰。耕而勿有。以俟制度可也。

或問貨。曰。五銖之制宜矣。曰。今廢如之何。曰。海內既平。行之而已。曰。錢散矣。京畿虛矣。其勢必積於遠方。若果行之。則彼以無用之錢。市吾有用之物。是匱近而豐遠也。曰。事勢有不得。官之所急者穀也。牛馬之禁。不得出百里之外。若其他物。彼以其錢。取之於左。用之於右。買遷有無。周而通之。海內一家。何患焉。曰。錢寡矣。曰。錢寡民易矣。若錢既通而不周於用。然後官鑄而補之。或曰。收民之藏錢者。輸之官。收遠輸之京師。然後行之。曰。事枉而難實者。欺慢必衆。奸僞必作。爭訟必繁。刑殺必深。吁嗟紛擾之聲。章乎天下矣。